

BONERIANO®

EDITOR:
Bonaire Communication Services N.V.

Djabièrnè 15 yùli 2022

Preis: \$1.00

Su wowo a bira skur:

KORTE NO TA KASTIGÁ MUHÉ KU A HINKA TATA DI KRIANSA

Real Rincon na kabes di kampionato



E ekipo di SV Real Rincon ta moviendo bon den e kampionato ku ta andando. Nan a derota e ekipo di SV Uruguay 3-1 resientemente. Ku esaki SV Real Rincon ta move e ekipo di SV Vitesse for di puesto number 1. Ta di mira ku nan lo por keda mantene e puesto di honor te final.

Akohida
pa
muchu
grátis?

Página: 5

Rekordando
Diana
Lebacs

Página: 2

Diseño
mural
Sentro
Aksesio

Página: 14



Pa: Direktor di teatro John Leerdam

Rekordando Diana Lebacs



****Semper** mi tabata honrá pa mi amistad ku Diana Lebacs. E eskritor, poeta i kontadó di kuenta, Diana Lebacs, kende a fayesé 11 di yùli ta laga un herensia literario riku atras. Sin ke ta kompleto, mi ta menshoná den e konteksto akí e seri di Nancho ku a kuminsá ku Nancho van Bonaire (1975), koroná ku un Zilveren Griffel, Nancho matroos (1977), Nancho niemand (1979) i Nancho kapitein (1982). I tambe e buki di poema Belumbe/De Waterlijn (2014) i Grandeda di amistad (2018). Pa su logronan literario a nombr’é na 2007 komo Ridder in de Orde van Oranje-Nassau i na 2020 el a haña Chapi di Plata di Fundashon Pierre Lauffer.

Gigante literario

Diana Lebacs ta un gigante literario i pa ami un amiga fiel. Tin amistad ku ta pa bida. Un amistad asina tabata mi amistad ku Diana Lebacs. Tabata un amistad di 43 aña ku a finalisá ku su morto na edat di 74 aña. Dia ku mi tabata na Kòrsou

na mei último, mi a bisa mi kasá Roos, ku tambe tabata un bon amiga di Diana, ku mi tabatin e sintimentu ku esaki ta e último biaha ku mi lo mira Diana bibu. Lamentablemente mi presintimentu a bira realidat. Na 1979 mi a siña konosé Diana. E tabata kasá di Pacheco Domacassé kende tabata hefe di e sekshon di kultura di Kòrsou. Jacques Visser i Diana a aserká mi pa partisipá na un kuenta di Pasku na Radio Hoyer. Tabata algu hopi bunita i spesial. Mi promé pasonan den bida kultural a kuminsá den e kor di Sentro Kultural Kòrsou, bou di direkshon di Edsel Provence i Salsbach Jazz Trio. E aña siguiente nan a bolbe pidí mi pa partisipá i mi a siña konosé tambe Laura Quast i Gibi Bacilio. Tur a mira talento teatral den mi. Pero tabata Laura i Diana ku a stimulá mi pa realmente bai studia den e direkshon ei. Pa entre otro nan interseshon, mi a haña un sita ku dr. Jules de Palm kende den su kalidat di miembro di direktiva di Stichting Culturele Samenwerking (Sticusa), periódikamente tabata hasi un bishita na e Antia Hulandes di ántes. E sita di mi ku dr. Jules de Palm na pisina di Hotel Intercontinental, tabatin komo resultado ku mi a haña un beka di Sticusa pa studia teatro na Hulanda ku a pone ku aktualmente mi ta direktor di teatro.

Algun aña despues, na 1984, tabata Laura i Diana atrobe ku a yuda mi ku mi stazje. Laura a tuma mi bou

di su hala i Diana a stimulá mi pa lesa mas tantu posibel i a inundá mi ku idea.

Traduktor

Diana a pèrkurá pa e tradukshon na papiamentu di e obra teatral Littekens/nasmaak, ku kua mi a gradua komo promé direktor pretu na 1987. Na papiamentu esaki tabata Markanan di Bida/Den nòmber di amor. E aña despues, Diana Lebacs, Laura Quast i ami, a traha huntu ku e vershon di teatro di Bida na koló/Kleuren van het leven. Diana a presentá e poemanan na papiamentu di Carel de Haseth i Laura i ami a aktua i representá riba esenario pinturanan di José Maria Capricorne. Diana Lebacs tabata na kabes di e tradukshonnan na papiamentu pa e obra teatral Seis den un/Zes in één, ku a estrená 24 di òktober 1990 bou di mi direkshon. Tabata un obra hopi spesial ku tabata un kolazje di tekstonan for di obranan teatral renombrá. E elenko a konsistí di seis aktris ku ta Laura Quast, Anne-Marie Braafheid, Rina Penso, Norma Cova, Greta Trappenberg i Diana Lebacs. E frase inisial tabata saká for di Medea: ‘M’a yega! Anto no tin niun hende ku no por bisa mi nada!’

Ku sosten di Oksna i KABNA, nos a hasi un gira hopi eksitoso na Hulanda. Mercedes Winkel-Da Costa Gomez i Diana Lebacs, tabata e ko-produktonan. Fridi Martina i Mauriel Lamp, e ko-traduktonan. Tur diesdos presentashon



tabata yen. Ku mi último produkshon grandi pa Antia, Saida, Diana su kontribushon tabata grandi atrobe. El a sòru pa tradukshon i a yuda duna forma na e programa edukativo durante e presentashonnan.

Teater nobo

Diana ku mi tabatin kontakto kasi diariamente te ku su morto. Nos tabata inspirá i stimulá otro. Diana Lebacs ku mi a publiká un remitido den Amigoe di 20 di mei 2020 den kua nos ta boga pa un teater nobo pa Kòrsou. Den e artíkulo akí nos a trese rekuerdonan dilanti di apertura di Sentro Pro Arte 9 sèptèmber 1968 pa gobernador Debrot. I e dekada di e teater ku a kuminsá ku un lèkashe ocho luna despues di entrega, sigui pa un kandela den e sala di mashin na 1985 ku a pone ku a kanselá tur presentashon i e seramentu definitivo na 2002. Kuarentiocho aña despues di e apertura solèm di parti di gobernador, 11 di sèptèmber 2016 e ruina di Sentro Pro Arte a kima kompletamente. Ta parse ‘Krónika di e morto anunsia’ di Gabriel García Márquez.

Danki Dios nos defensa no tabata pòrnada, pasobra na mei último a bira konosí ku ta konsiderá pa rekonstruí e Postkantoor na Waaigat hasié un teater asina produkshonnan di teater tin un podio profeshonal atrobe. Loke a hunga un ròl den e eskoho akí, ta e posibilidat di stashonamentu na Waaigat i presensia di marshe bieu banda Postkantoor, asina bishitantenan di teater tin oportunidat pa kome algu promé ku presentashon.

Pèrdida grandi

Loke nunca mi lo no lubidá ta ku Diana tabatei in my darkest hour tempu ku dòkter a duna mi dies dia di bida. Tabata na 1996. Huntu kuné mi a bai St. Maarten pa presentá mi dokumental Gritu di un pue-blo.

Den avion pa Hulanda, mi a bira malu. Promé mi a kere ku mi a shuata, pero tabata pió. Ora el a tende di mi pronóstiko teribel, mes dia el a laga hasi un misa. Esei a sosodé den e misa di EBG ku tabata kompletamente yen. E intervenshon akí di Diana a kontribuí ku awe mi tei ainda i mi ta hopi agradesido pa esaki.

Ku baimentu di Diana Lebacs, bida kultural di Kòrsou ta sufri atrobe un pèrdida grandi despues di Ced Ride 14 di yùli 2021. Huntu ku Harry Moen el a kanta un aña pasá ora e sèkito funerario di Ced Ride a pasa dilanti di e kas na Dondersstraat na Otrobanda, kaminda e kompositor akí a lanta.

Awor e mes no tei mas. Riba dia di su faysimentu a honra mi deseo pa pidi Krus di Mérito p’e. E mes lo no sa esaki nunca. Diana tabata un trahadó ku hopi energia, skèrpi, inteligente, ku afekshon, sinsero i duru. Ku hopi humor i estilo. Mi ta bai sinti su falta hopi. Na final di kuenta, 43 aña di amistad kontinuo no ta kiko ku ta. P’esei tin tristesa profundo serka mi. “Als een losgebroken stier/stormt verdriet briesend op ons af”, manera poeta Walter Palm ta skirbi den su poema bunita Rouwadvententie.

May her soul rest in peace and may the memories be a blessing to us all!





Morto ta kai maneran shima-
ruku for di palu e dlanan aki.
Tende djárasón ku Sidney van
Blarcum tambe a fayesé, perso-
na ku m'a konosé tempu ku mi a
traha na e stashon retransmisor
di Radio Nederland Wereld Om-
roep na Boneiru (RNWO). Mi a
traha den e departamentu ku
nan tabata yama 'Continuity',
promé komo operator i despues
komo 'continuity medewerker'
den e studio di RNWO banda
di Jachthaven. Sidney tabata
traha na e parke di antena, e si-
tio di transmishon, di e emisora
internashonal aki. Esaki tabata
situá na Barcadera.

Mi no tabatin kontakto ku Sidney
van Blarcum riba trabou. Nos
departamentunan no tabatin
kontakto ku otro. Nos di studio
tabata atendé mas tantu ku e
'zenderwachter'-nan stashoná
na e sentro di transmishon na
Barcadera pa pidi nan kambia
direkshon di antena i frekuensia
di transmishon. Sidney tabata
traha den e departamentu di
generador di koriente. Nan ta-
bata yama e departamentu ei
simplemente 'Diesel', komo ku
nan tabata usa e kombustibel
diesel pa operá e generadornan
na e sitio. Despues di orario di-
ario di trabou tabatin dos hende
di warda na Barcadera, esta e
'zenderwachter' i e operador di
generador.

Mi kontaktonan ku Sidney ta-
bata den aktividatnan sosial i
familiar di RNWO. Nos doño di
trabou tabata organisá vários
selebrashon i enkuentro so-
sial durante aña, manera na
okashon di San Nikolas, Pasku,
etc. Ta den e aktividat bo tabata
siña konosé bo koleganan ku
bo no tabata mira nunca na tra-
bou, komo ku tabatin dos sitio di
trabou: Playa Lechi i Barcadera.

Den seno di koleganan di
RNWO nos a konosé bou dje
nòmber Payuku. Mi no sa kon e
beinam aki a nase. Segun mi ta
e mes tabata otro hende Payu-
ku i asina hopi hende na trabou
a kuminsá yam'é Payuku. Asina
mas beinam a nase na Boneiru,
manera Palu Djo, Maní, Mano.

Despues ku e departamentu di
'Diesel' a pasa pa WEB, Payuku
tambe i su koleganan a bai den
servisio di e kompania di utilidat
aki. Momentu ku WEB a stòp
di produsí koriente, debí na e
kandela na e planta di Hato,
Payuku a bai pa e kompania ku
awor ta konosí komo Countour-
Global. Kondolensia na su fami-
anan. Ku e sosegá na pas.

Su wowo a bira skur: KORTE NO TA KASTIGÁ MUHÉ KU A HINKA TATA DI KRIANSA

KRALENDIJK- Shar-
vienne S. (22) a suspirá
profundo na momentu ku
el a skucha desishon di
Korte den Promé Instansia
riba 8 di yùli 2022. Mi-
nisterio Públiko a akusá e
dama hóben aki di intento
di homisidio i di violen-
sia públiko. Hues a haña
e akusashon di intento di
homisidio probá, pero no a
duna S. un kastigu.

Abogado mr. Marga
Van Lieshout a hiba un de-
fensa ku furor, mirando ku
e malechor den e kaso aki
praktikamente tambe ta un
víktima di violensia domé-
stiko.

Dosié penal

Mama di e akusado taba-
tin problema ku su pareha i
dado momento Sharvienne
a lesa mensahenan den tele-
fòn di su mama. E víktima
den e kaso aki, Arthur M.
a manda vários mensahe
ku menasa pa mama di e
akusado. "E mensahenan
tabata hopi mahos. E ta bisa
ku e ta kla pa bai prizòn, el
o mata boso tur", hues ta
amplia. Tambe el a bisa ku
e tin pistol i ku el o push'e
den garganta di su pareha i
ku koleganan mester pone
unifòrm pa bai entiero.

"P'esei boso a disidí e
dia aki na hiba boso mama
trabou", hues ta remarká.

Una bes na e lugá di
parker di Divi Casino a
surgi un diskushon formal
entre e akusado, su 2 ruman
hòmber i e víktima. Den
korte a pasa imágennan di
kámara unda por mira kon
e insidente a tuma lugá. Na
dado momentu Arthur M.
ta kue un bate di beisbòl i
dal Sharvienne. E bate a
alkansá garganta di Shar-
vienne i un ruman hòmber
di e akusado ta 'dropkick'
Arthur. Miéntas Arthur
ta riba suela e otro ruman
hòmber a dal i a skòp e. Aki
Sharvienne ta hasi 3 movi-

shon manera ku e ta hinka e
víktima.

Leshon

Tin ku bisa ku e víktima
a risibí 3 hinká. 2 hinká den
su lomba i 1 den su barika.
Sí el o a yega hospital un tiki
mas lat sigur el a fayesé. E
víktima a pèrdè hopi sanger
i mester a haña transfushon
di sanger. Tambe el a haña
un 'klaplong' i perforashon
di tripa. Mesora mester a
oper'é, i awor el a desaroyá
un hernia. Probablemente e
mester bolbe operá mirando
ku tin algun problema ku su
tripa. Fiskal tabata bon kla
den esaki. "Na momentu ku
bo propiná un hende asina
hopi hinká, bo mester sa ku
e chèns pa e muri ta suma-
mente grandi", e ta bisa. Pa
Ministerio Públiko ta klaro
ku Sharvienne S. a hasi su
mes kulpabel na ámbos
echo. A demandá un kas-
tigu di prizòn di 36 luna, di
kua 12 luna kondishonal ku
un periodo di prueba di 3
aña. Tambe supervishon di
Reclassering, tratamentu na
Mental Health Caribbean
(MHC) i terapia pa famia.

Defensa propio

Defensa propio ta kono-
sí den komunidat, komo e
akshon pa defendé bo mes,
bo sernan kerí òf bo propie-
dat kontra kualke krimen.

Pero tambe tin e situ-
ashon di peliger pa un per-
sona ku ta trese kuné emo-
shonnan basta fuerte.

Bou di e sirkumstiansa-
nan aki ta difisil pa e perso-
na keda trankil i reakshoná
rashonal. Pues por konkluí
ku tin situashon den kua
un persona su wowo ta bira
skur, i kometé un akto basá
riba emoshonnan fuerte.

Hues a duna Sharvienne
e último palabra. "Aworakí
ta wak e banda di Arthur,
no ta wak tur 2 banda. M'a
hasi un denunsia kontra dje
pero no a hasi nada ku esa-



ki. Mi ke sa si loke el a hasi
sí ta korekto", Sharvienne
ta bisa.

"Bo a skucha bon loke
fiskal a bisa? E ta bai per-
siguí Arthur", hues ta re-
marká.

"Dikon awor numa
despues di tantu luna?",
Sharvienne ta kontestá.

"Mi no por kontestá
esei", tabata palabranan di
hues.

"Mi no ta e hende ku nan
ta pensa ku mi ta", Sharvi-
enne ta remarká.

Hues ta suprayá ku e
kaso aki no ta un kaso fásil
i ku e mester tempu pa bin
ku un desishon.

Desishon di korte

E desishon a tuma lugá
3 siman despues ku korte a
atendé e kaso den su kon-
tenido. Korte a apsolvé
Sharvienne di e echo di
violensia públiko. "Den e
akusashon tin deskribí ku
bo a dal i skòp e víktima.
Nos no por mira ku bo a
hasi esaki pues segun lei di

Boneiru no por kondená bo
p'e", hues ta splika. Sí el a
haña e akusashon di intento
di homisidio probá. "E ta
hustifiká? Ta defensa pro-
pio?", hues ta kuestioná. E
ta splika ku despues di e sla
ku e bate a dura 11 sekònde
promé ku Sharvienne a
hinka e víktima. "No por
konsider'é defensa propio
pasombra na momentu di e
hinkamentu no tabatin peli-
ger pa bo."

Hues ta agregá ku Shar-
vienne su wowo a bira skur
despues di e sla. Esaki a
pone ku den su rabia e no
por a pensa bon i a hinka
e hòmber. "Bo rabia tabata
asina fuerte mirando aña-
nan di maltrato di bo mama
i kon Arthur a ofendé bo
ruman hòmber", hues a
agregá. Korte den Promé
Instansia a disidí ku Sharvi-
enne S. no ta kastigabel pa
e echo ku el a kometé.

Riba e potrèt por mira
entre otro Sharvienne S.
huntu ku abogado Marga
Van Lieshout.

BròKèS 93.5 FM

Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;
Djòni Leoneta +599 786 9091
Maneho atministrativo;
Ethel Leoneta +599 796 9133
email; 93.5boneiru@gmail.com



Skach'e



Radio BròKèS 93.5 Boneiru

4| Elekshon direktiva ABVO

KRALENDIJK – Otro dato pa elekshon ku ta tuma lugá 26 di ougùstùs. Por inskribí via mail kayakanari@gmail.com i pa mas informashon por tuma kontakto via telefòn na ofisina di ABVO 717-7575, òf mobil +5999 568-4600.

Miembronan interesá pa tuma parti na e elekshon, por kuminsá inskribí serka Chaly Anthony.

Inskripshon ta sera 8 di

Consuelo Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com •

Señor ta mi Wardador, mi n' tin falta di nada; den kunuku di yerba bèrdè, E ta pone mi sosegá. E ta hiba mi na awa trankil, pa mi bolbe haña forsa. - Salmo 23

Ku inmenso doló na nos kurason, pero konforme ku boluntat di Dios, ta partisipá fayerimentu di

Ryan Julius Frans

*14 ougùstùs 1972 +12 yùli 2022
mihó konosí komo Fraps/FRAPS DRONE MOBILL

Akto di entierro ta tuma lugá djadumingu 17 yùli 2022.
E korteho fúnebre ta sali pa 9.15 di Consuelo Memorial pa Kaya Kòrsou i por tuma despedida di 10.30 or mainta pa 12.30 or merdia.

Despues ta sigui pa misa katóliko San Luis Beltran na Rincon i por tuma despedida di 2'or pa 4'or atardi sigui pa un respons.

Entierro ta tuma lugá den santana katóliko na Rincon. NO ta risibí bishita di kondolensia na kas ni promé ni despues di entierro.

Na lugá di manda flor, por hasi un donashon na 'Kanker Fonds Bonaire'.
Ademas por sigui e entierro bibu via di 'live streaming'.

Por manda kondolensia via WWW.RJFRAPS.COM
SKAN e QR-CODE pa e anunsio kompletu.





Programanan di Bonaire.tv
TELBO kanal 70
Flamingo TV kanal 23

Djabièrnè 15 yùli 2022

12.00 Aki Boneiru:	Presentashon di buki di Diana Lebac
13.00 Pelikula:	Boka Sarantonio
14.30 BAPA:	Diana Lebac
16.00 Aktualidat:	Azusera (Suzie) Henricus i Junior de Lanoy
17.00 Aki Boneiru:	Tibisy & Sharelly
18.00 Herensia Korsou:	Stanley Inderson
19.00 BAPA:	Alfred Ramon George (Yellowman) Martis
20.00 Herensia:	Erwin Raphaela
21.00 Aki Boneiru:	Bondoet 2020
22.00 Herensia:	Anna Cardus Mey
23.00 BAPA:	Nos Aquamarino (Jana Borderslee)

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Djabièrnè 15 yùli 2022



Meuchi ta pone webu riba isla artifizial



KRALENDIJK – Pa hopi aña kaba e para meuchi chikitu a bin ta pone webu riba un isla den saliña di Slagbaai.

E último añanan debí na subida di nivel di laman den e saliña, e isla a bai bou di awa, loke a trese kuné ku meuchi no por hasi uso mas di e isla pa pone webu.

Afortunadamente ku ayudo di Cargill, STINAPA a konstruí un isla artifizial flotante pa asina sirbi komo kas i lugá pa pone webu pa e paranan aki.

Na 2021 a konta 18 nèshi i e aña aki ya a mira abundansia di nèshi i webu.

Meuchi ta drumi riba nan webu pa rònt di 21 dia. Pronto ta bai tin yu di meuchi riba e isla artifizial.

TUR HENDE POR TA SALBÁ AWOR

Awe nos ta wak dos versíkulo den Beibel ku ta mustra nos ku Señor Dios ke pa nos ta salvá. Dios ta amor, E ta stima nos i ta brinda nos oportunidat pa yega na salbashon den Kristu Hesus. Dios ta interesá den nos bida i no ke pa nos bai pèrdí den nos pikánan.

Esaki ta bo oportunidat pa pidi Hesus pa salba bo!

1.-“Ata, Mi ta para na porta i ta bati; si un hende tende Mi bos i habri porta, lo Mi dreña serka djé, i lo sena kuné i é ku Mi.” Revelashon 3:20(BS)
2.-“pasobra: 'Ken ku invoká e nòmber di SEÑOR lo ta salvá.’” Romanonan 10:13(BS)
Awó desishon ta keda na abo si bo ke tuma e paso akí.
‘Mi ke tuma e desishon pa aseptá Kristu komo mi Salvador!’

Orashon: TATA mi ta rekonosé ku mi ta un pekadó i mi ta kere ku Señor Hesu-Kristu a muri pa mi pikánan riba krus i a resusitá pa mi hustifikashon. Mi ta risibí i konfia den djE komo mi Salvador personal. Amèn!
Si bo a hasi e orashon akí, bo ta salvá.

Awe lo tin goso den shelu pa esun ku a tuma e desishon akí!

Rosa Julia Sintjago-van Arneman
Produksion PGM

E magia di agrikultura ku LVV

KRALENDIJK – E di tres edishon di e dia habrí na e proyekto pa promové agrikultura, krio di bestia i piská a hala sentenares di hende. E echo ku hopi turista tambe tabata presente na e evento, ta pasobra LVV a hasi promoshon aktivamente pa e dia habrí na hotèlnan i risòrtan. Asina turistanan por a bin purba kiko Boneiru tin di ofresé riba tereno di agrikultura, krio di bestia i kultura. Ku esaki Boneiru ta disponé di un atrakshon mas, kaminda kulturanan i generashonnan ta bini huntu. E interes pa kultivá propio bèrdura i fruta kada biaha ta bira mas grandi i por a ripará esaki durante e último tres di-

anan habrí. Ku e dia habrí LVV ta guia e bishitantenan den e mundu di agrikultura i e kultura boneriano. E demonstrashonnan a siña e bishitantenan tokante kon pa kultivá mata, fermentá desperdisio di kushina, kultivá ‘dragon fruit’, kria bestia i kushiná diferente kuminda kriojo. Di e manera akí a lanta interes serka e bishitantenan pa purba hasi esaki na kas mes tambe. E bishitantenan por a akudí na e stèntnan pa kumpra mata, kos di boka dushi i kuminda kriojo, kos di bebe trahá na kas i asesori- onan pa kas. Naturalmente tabatin sufisiente kos pa e muchanan tambe hasi. E dia habrí pa un ratu a re-

bibá rekuerdonan di e Boneiru di ántes. Ku músika boneriano i aktuashon di Foyan Boyz i un ‘jamses- sion’ esaki tabata un fiesta típiko boneriano. Banda di esaki señora Gacha Coffie di Rincon a bin demon- strá kon ántes nan tabata kushiná kadushi. Ku hopi atenshon e bishitantenan a opservá kon ta pela e ka- dushi, pa despues batié pa hasié moli riba piedra. Na- turalmente nan por a purba e kuminda tradishonal akí. Aunke kadushi ta konosí ta Boneiru, tabatin bishitante ku pa promé biaha a purba esaki. Maurice Adriaens, lider di proyekto di LVV, ta hopi satisfecho tokante kon e dia habrí a kana. Ku e di-

anan habrí mas i mas e ke inklui e elemento di kultura di Boneiru. Naturalmente LVV ke gradisí tur hende pa nan aporte na e éksito di e dia habrí akí. Un palabra di gratitut ta bai tambe pa e bishitantenan i e doñonan di stènt pa nan presensia ameno. Un danki spesial ta

bai pa e tim di LVV, señora Gacha Coffie ku a kushiná kadushi, Saeed di LVV ku a ofresé e tayer tokante traha- mentu di tera pa mata i e tim di Selibon. LVV ya kaba ta anhelando e di kuater edi- shon di nan dia habrí i nan ta apresia sugerensianan pa hasié mas mihó ainda.



Ketu bai mas partido den Tweede Kamer ke

Akohida pa mucha grátis?

KRALENDIJK – Par- tidonan di koalishon D66 i CDA ke pa akohida pa mucha ainda bira grátis na e munisipionan karibense. Gabinete ke pa Boneiru, St. Eustatius i Saba, tambe yuda paga esaki, pero ketu bai mas partido no ta mira e plan aki bira realidat.

Den un artíkulo publiká pa Caribisch Netwerk skir- bí pa John Samson ta am- plia riba e tópiko akí. D66 i CDA ke pa Sekretario di Estado, Alexandra van Huffelen, bai wak di nobo

sí Gabinete ta bai supsidia akohida pa mucha 100 porshento.

Kontribushon di mayor

Gabinete pa hopi tempu kaba ke pa mayornan mes tambe kontribuí na e kos- tonan di akohida pa mu- cha. Munisipio Boneiru ta oponé kontra e plan aki. “Sí ta solamente sinku dólér pa luna mes, e ora e ta tambe un plan no bon,” diputado Nina den Heyer a bisa ante- riormente.

Segun e diputado, ma-

yornan ku ta den problema di sèn, ainda ta preferá kumpra kuminda pa e yu en bes di saka sèn pa akohida pa mucha. Hopi mayor ku ta traha ta laga yunan mas grandi kuida e muchanan mas chikitu.

Sosten di CDA

Akohida pa mucha mes- ter bira grátis na e munisi- pionan karibense sí òf nò? Ta papia tokante esaki ya pa dos aña na Den Haag. Par- lamentario di D66, Jorien Wuite, durante un konsulta

den Tweede Kamer a pidi atenshon pa esaki. “Tin po- sibilidat pa kisas hasi ako- hida pa mucha grátis?”

CDA ta uni su mes ku e plan. Segun parlamen- tario Joba van den Berg, Gabinete mester tene mas kuenta ku e situashon den kua hendenan na e muni- sipionan karibense ta biba. Sinku porshento aya nan, ta nifiká relativamente hopi sèn pa e mayornan. E preis- nan aya nan ta otro.

Van den Berg ta pensa tambe ku contribushon obligatorio di mayor tam- poko no tin sentido, pas- obra gobièrnu seguidamente mester hasi kosto pa hasi e atministrashon di kontri- bushon di mayor. “Tòg mi ke puntra Sekretario di Es- tado pa mira esaki pragmá- tiko.” Partidonan di opo- sishon PvdA, GroenLinks, Partij voor de Dieren i Bij1, ta sostené e plan pa akohida pa mucha grátis.

Sí tambe tin sosten di e otro dos partidonan di koa- lishon VVD i ChristenUnie, esei ainda ta e pregunta.

25 Mion èkstra

Boneiru ta pensa ku fasi- lidatnan básiko pa e muni- sipionan karibense ta kosta un 25 mion euro asina èk- stra. Esaki no ta suma ka- minda lo lanta Hulanda for di soño, segun diputado den Heyer. Gabinete ke paga te 95 porshento di e kostonan for di Den Haag. Segun Sekretario di Estado van Huffelen, e munisipionan karibense mes por deter- miná sí nan ta paga e so- brá sinku porshento for di propio presupuesto. Tambe kua grupo di hende ku mes- ter paga e suma obligatorio. E espasio ei tin. Política na Boneiru ta crítico riba esaki, pasobra e fasilidat- nan sosial ta kana tras for di loke hendenan na e munisi- pionan na Hulanda ta haña.

Na e munisipionan ka- ribense hendenan ta haña ménos kompensashon di ònderstant, no ta eksistí kompensashon di desem- pleo, no tin presupuesto mará pa mucha i mayornan mes mester paga enseñansa spesial pa nan yu ku adhd i outismo.



Interkambio parkenan nashonal

KRALENDIJK – Rangernan di Parke Marino i Parke Nashonal Washington-Slagbaai, a biaha pa Hulanda i Kòrsou, kaminda nan bishitá parkenan nashonal i topa ku otro rangernan ku ta hasiendo

trabou similar ku nan i tabata dispuesto pa interkambio di konosementu riba maneho di áreanan protehá.

Na Hulanda e rangernan a bishitá National Park Schiermonnikoog, ku ta manehá pa monumento di

naturalesa. Komo ku e vegetashon ta hopi diferente for di Boneiru, nan por siña di esaki.

E rangernan a eksperensiá kanamentu históriko, treinen pa paga kandela i aktividatnan diario.

Na Kòrsou e rangernan a bishitá Parke Nashonal Christoffel, manehá pa CARMABI. Nan a kana, subi seru i siña tékniko pa eliminá kabritu.



Proyekto Parke Bunita

KRALENDIJK – Na 2019 STINAPA a inisiáku e proyekto Parke Bunita, e restorashon ekológiko di Parke Nashonal Washington-Slagbaai.

Un parti grandi di e proyekto aki ta eliminá yerba invasivo komo ku nan tin un impakto negativo riba e vegetashon den e parke. A traha duru pa mantené e kuránan eksistente i krea nobo ku mester yuda

ku e proyekto. E luna aki a kompletá tres área isolá kaminda a eliminá kabritu i otro espesienan invasivo sistemátikamente.

Un otro aspekto di e proyekto Parke Bunita ta e ekspanshon di puntonan di interes pa bishitante di e parke. Ta finalisando algun kaminda nobo den e promé área isolá kreá, sùit di Slagbaai i ta spera di habri esaki pronto pa públiko.

Limpiesa di bich

KRALENDIJK--E tim i staf di Parke Marino a organisá un dia di limpiesa na Klein Bonaire.

E junior rangernan tam-

be a limpia na Sorobon. STINAPA ta gradisí tur bolutario i organisashon ku a djòin e dianan ku a pasa pa limpia bich.



Ta kumpli ku e tristu deber di partisipá fayerismentu di

Sr. Ryan Julius Frans

mihó konosi komo Fraps
Kasá di nos direktora sra. Edilse Goeloe.

Palabranan di hopi fortaleza na Edilse i demas famia ku e pèrdida grandi aki.

Nos mas sinsero kondolensia.

Ryan sosega na pas.

Bonaire Beauty Academy

ta buska

- schoonheidsspecialist

Pa solisitá por manda mail na:
nailsbonaire@hotmail.com

CANDY CANDY Supermarket

Kaya Korona 59

ta buska

- 1 maintenance electric

-mester tin 3 aña di eksperensia i V.O.G.

Pa mas inf. tel: **+599 717 1886**

SIGUIENDO AYO SU FAKANSI

Ayo Boehoudt ta di fakansi na Oropa. BONERIANO ta sigui'é den e diferente pais, siudat i kapitalnan ku e ta bishitando. E seri no ta den sekuensia, sino ta lòs for di otro.

Djaweps pasá ei mi mester a kibra mi estadia fabuloso na e kapital mes mes di Hulanda, Amsterdam, pa 2 dia pa mi por a bai regla algu importante i urgente. Esaki a tuma lugá na s'Gravenhage of Den Haag e 'ciudad real', pasobra ta einan e eks Reina Beatriz i e rei aktual Willem Alexander ta biba i traha. Biba na palasio ten Bosch i traha na palasio Noordeinde. Mi

no a alkansá bishitá nan den apénas 2 dia.

Ta manera mi tabatin un mester di bishitá e famoso Binnenhof, sede prinsipal di gobièrnu no di Hulanda so, sino di Reino Hulandes i tambe di islanan BES i CAS. Mi a keda grandemente desepshoná, pasó hopi parti di Binnenhof ta "op de schop" den un hulandes perfekto bisá. Asina mes mi a probechá pa di

tantísimo bes di bishitá lokual mi por a bishitá.

Tambe mi gusta di bishitá Scheveningen ku su ántes famoso Kurhaus. E wer tabata hopi friu ku bientu, pues un dia ménos bon pa bai laman. Scheveningen ta keda na Noordzee ku un laman brutu i 'sushi' en komparashon ku nos laman kristalino di Karibe.

Mi a topa ku besina manera famia den tram bayendo Scheveningen. Nos a kombersá i kompartí i saka portrèt. Despues, anke ku a roga mi pa keda ku nan, mi a opta pa hasi mi kaminata tradishonal pa Centrum den 1 ora i mei. Mi stima kana i a pasa den 'bosjes' i mansionnan di e 'mid-denklasse' pudiente di Scheveningen i mansion di konsuladonan di vários pais, manera e.o. di Israel, pasobra esei sigur mi wowonan a kapta. Den pasado mi a yega di mira Madurodam, Vredespaleis di UNESCO den mi ruta i sa bishitá un santana di e klase elitario di Den Haag. E biá aki den 2 dia so ainda mi no a logra. Otro biá mi ta spera di bini ku mas di e 'hofstad' Den Haag i besindario. Disfrutá di mi solamente 2 dia despues di 5 aña.



SAN BONAVENTURA, Obispu i doktor di Iglesia

15 di Yüli 2022



"Miserikòrdia Mi ke i no sakrifisio."
(cf Mateo 12,7)

Hesus ta desbaratá e legalismo di fariseonan, ku ta "imponé peso pisá riba skouder di hende ..." (cf Lukas 11,46b), pero ta lubidá e aspekto di mas importante esta e "miserikòrdia dibino". Hesus no ta kita e importansia di lei, masbien E ta afirmá esaki, ora E bisa: "Mi no a bini pa pone un fin na e siñansa di e bukinan di lei ni di e profetanan, alkontrario Mi a bini pa asina Mi laga nan nifikashon bèrdadero sali na kla." (cf Mateo 5,17) Anto e nifikashon berdadero di lei ta e amor di Tata pa hende.

Kai na kuenta ku e amor dibino ku Hesus ta referí na dje ta indusí nos na un amor ku "... sa di soportá i ta bondadoso, ku no ta envidioso, ... tampoko orguyoso. E ta perseverá semper i e ta dura pa semper." (cf 1 Kor 13,4-8)



Señor, siña nos stima otro i ta miserikòrdioso ku otro.

1L Is 38,1-6.21-22.7-8; Salmo 39,10-12.16;
Ev. Mateo 12,1-8



Pa Pastor Carlos Manuel Ogando

Servisio selebrashon konmemorativo di bida

KRALENDIJK -- di mèrdia na Iglesia Kas di Orashon pa tur Nashon na Djaluna 11 di yùli pa 2'or



Hanchi Amboina serka pastornan Frank i Roraima Reinoso, den presensia di kasá i yunan, a tuma lugá un servisio di selebrashon konmemorativo bida pa Pastor Carlos Manuel Ogando, kende algun tempu pasá a fayesé na Estádus Unídos.

Juliana Ogando, vuida di defuntu Carlos Manuel Ogando, na bida mihó konosí komo pastor Manolo, huntu ku nan tres yunan hòmbler Carl, André, Haniel Ogando i nan kasánan ku a bini direktamente for di Inglatera, New York i Florida, a tene e servisio.

Amigu, konosí, kompa-



triota, famia, ministro i rumannan den Kristu, a hasi akto di presensia i a partisipá aktivamente den duna gradisimentu i elogio, na promé lugá na Señor nos Dios pa tur loke ku pastor Manolo a nifiká pa nan i pa Boneiru.

Yunan a interpretá diferente kansion, specialmente Manolo su propio komposishon Sigui fiel. Su kasá i diferente amigu, a deklamá algun di su poesianan, manera E solo di Boneiru, Boneiru Universal, Boneiru atmirabel, Bo kantu di la-

man i Rincon Monumental, tabata un delisia.

Despues a hiba e restunanan mortal di Pastor Manolo Santana Evangéliko, manera tabata su deseo, pa ta derá aki na Boneiru.

Vuida Juliana, yunan i Kas di Orashon, ke yama danki na tur ku a hasi akto di presensia.

“Dios, ku ta nos fuente di speransa, yena boso ku goso i pas pa motibu di boso fe, ya asina boso speransa por bona pa medio di poder di Spiritu Santu.” Romanonan 15:13 BPK13.

Hóbennan ku a kaba studia no ta haña oportunidat

KRALENDIJK -- Nos a yega otro temporada kaminda un grupo di estudiante a kaba nan estudio aki p'asina sigui esaki na otro pais.

I manera kustumber un diputado lo bai yama nan ayó ku e bunita palabra pa nan bai bini bek. Pero den práktika esaki ta kompletamente diferente, tur aña tin estudiante ku a kaba nan

estudio den eksterior, pero ora nan solisitá riba kualkier vakatura, no ta tuma nan, ku konsekuensia ku nan ta haña nan mes ta bai otro lugá pa bai traha, segun Alsy Anthony.

Anthony ta indiká no mester lubidá ku e hóbennan aki mester bai paga nan fianza di estudio bèk i tur hende sa ku e debe di estudio no ta poko sèn. Pa

un estudiante ku a kaba su HBO na Hulanda, e suma ta alrededor di 50 mil euro. I si nan kaba nan master, e suma aki ta riba 60 mil euro.

Komo tal e estudiante en kuestion aki mester di trabou pa kuminsá paga su debe di estudio. Pero e punto mas kuestionabel ta, di kon nos mes hóbennan ku a kaba nan estudio no

por haña trabou aki nan, segun Anthony.

Anthony ta puntra, ki maneho gobièrnu tin anto. Ta pa duna otro hende so trabou. E mesun hóbennan aki a ripará entre tantu ku di tur banda hende ta haña trabou aki na Boneiru, ménos e yu di tera. Pregunta ta ku ta konsientemente ta hasi esaki òf ta tuma gobièrnu ta tuma nan hasi, òf ta dis-

kriminá nos hóbennan. Pasobra ningun di e hóbennan ku a kaba, no por kompromé di kon nan no por haña trabou aki na Boneiru mes. Ta asina ta trata nos mesun hendenan.

Na opinion di Anthony, por krea kupo di trabou pa nos futuronan di mañan. E ta kere ku gobièrnu no tin nos futuronan di mañan na pechu.

Loke por intoksiká pa hende i animal

Fertilisadó di sargassum ta transferí metal pisá den berdura

KRALENDIJK – Un eksperimento konhunto di WWF-Mexico i STINAPA, a duna komo resultado ku berdura ku ta krese enrikese pa sargassum, tin nivel haltu di arséniko i kadmio, metalnan pisá ku por intoksiká hende i animal. E investigadónan ta atvertí ku no mester usa sargassum na lugá di kuminda di bestia, tampoko pa fertilisá berdura pa konsumo.

Influensia

Sargassum ta un lima brùin ku ta drif ku ta hun-ga diferente ròl ekològiko importante. Ounke ku sargassum ta okurí natural, debí na koriente di oséano i oumento di polushon, Oséano Atlántiko ta eksperensiando mancha grandi di sargassum. Desde 2011, Karibe a bin ta eksperensia diferente evento di sargassum signifikante, guiá pa un kantidat di asuntu sosial, ambiental i ekonómiko, partikularmente den e sek-

tornan hospitalario i peske-ria. Sargassum ta influensia ref di koral ku ya frágil, mondi di palu di mangel i kama di lima.

Estudio

Pa komprondé mihó e impakto di sargassum ku a putri, a djòin un proyekto entre WWF-Mexico i STINAPA, pa eksplorá ki influensia fertilisadó di sargassum por tin riba berdura i kuminda di bestia. A usa dos pòchi di mata, unu yená

ku 50/50 sargassum seku i tera di mata i e otro solamente ku tera di mata.

Resultado

Ounke ku generalmente nan ta parse di no tin diferente físiko signifikante entre kresementu di mata ku òf sin presensia di sargassum, muestra analisá na Radboud University Laboratory ta musta ku e nivel di arséniko ta mas haltu den berdura ku a krese den tera di mata ku sargassum. Nivel di Kadmio tambe ta mas haltu den mata ku a krese den sargassum enrikese ku tera di mata. Mas aleu un estudio di Universidat di Wageningen titulá ‘Oportunidatnan pa balorisá pelágiko di sargassum den Karibe Hulandes’, a analisá sargassum for di mesun fuente i a haña ku e tin un nivel haltu di metal pisá.

Implikashon



E implikashonnan di salú di e resultatonan aki ainda no ta kla. Arséniko por tin diferente forma, ke men orgánico i no orgánico, kaminda e nivel orgánico por ta muchu mas haltu promé ku e impaktonan negativo



opservá den hende. Mester tuma nota ku ainda European Food Safety Authority (EFSA) ofisialmente no a pone paro na arséniko. De fakto ‘Panel on Contaminants in the Food Chain (CONTAM)’ di EFSA a publiká data na 2010 kaminda ta sali na kla ku no tin nivel seif di arséniko. Ingeshon di arséniko no orgánico a bin den kontakto ku leshon na kueru, kanser, desaroyo tóksiko, problema di kurason i diabétis. Mester di mas investigashon pa komprondé e impaktonan di e nivelnan haltu di metal pisá i e efekto riba término largu.

Komo ku e influensia di sargassum a bin ta oumentá komun, paisnan i individuonan lo investigá pa kamindanan inovativo pa usa i deshasí di e lima aki. Ya a hasi uso di algun resultado komo material di konstrukshon, kuminda di bestia òf fertilisadó di kurá di kas. Te na momentu ku e implikashonnan di salú no ta kompletamente komprendibel, ta mihó pa limitá uso di sargassum pa opshonnan di konsumo. Esaki ta laga porta habrí pa sargassum pa keda usá komo material di konstrukshon, biofuel òf fertilisadó di matanan dekorativo.



VAKLEERKRACHT Bewegingsonderwijs – Bonaire, Caribisch Nederland.
39,5 uur per week

Ben jij op zoek naar een leuke baan in de sport en onderwijs in Caribisch Nederland?
Je ziet het als een leuke uitdaging om ieder kind op zijn eigen niveau te begeleiden en om ieder kind plezier te laten beleven tijdens de lessen bewegingsonderwijs?
Solliciteer dan nu op deze functie.

Dit breng je mee

- Jij bent in het bezit van een afgeronde opleiding tot gymdocent (ALO of MBO-4 Sport en Bewegen)
- Jij spreekt Papiamentu of bent bereid de taal te leren.
- Jij bent bevoegd om zwemles (schoolzwemmen) te geven.

Als gymdocent/sportleider ben je verantwoordelijk voor het voorbereiden en verzorgen van gedifferentieerde gymlessen. Je baseert jouw lessen op ons vakwerkplan, jaarplanning en methode welke telkens in ontwikkeling is en waar jij invloed op hebt. Tevens lever jij je bijdrage in de structurele naschoolse (sport)activiteiten en voor de sport toernooien.

Waar kom je terecht?
Je gaat onderdeel uitmaken van de Stichting R.K. Schoolbestuur- Bonaire. Ons bestuur beheert vier scholen voor het basisonderwijs op het prachtige Caribische eiland Bonaire. Primair word jij de vakleerkracht bewegingsonderwijs voor Kolegio San Bernardo, maar je kan ook ingezet worden bij een van de andere 3 basisscholen die vallen onder het RK Schoolbestuur. Verder ga je onderdeel uitmaken van de vakgroep Den Moveshon. Een vakgroep bestaande uit de gymdocenten en sportleiders van alle andere basisscholen op Bonaire.

Wij bieden je een werkplek:

- Waar je onderdeel uitmaakt van een team van vakleerkrachten dat regelmatig overleg heeft.
- Waar je kunt leren van directe collega's die werkzaam zijn op de andere basisscholen.
- Waar je je persoonlijk kunt ontwikkelen op meerdere vlakken aangezien er naast de lessen op school, structureel naschoolse activiteiten georganiseerd worden in samenwerking met lokale partijen, bonden en verenigingen.

Het gaat om een fulltime dienstverband **(39,5u) van 1 jaar**, dat bij gebleken geschiktheid wordt verlengd, met uitzicht op onbepaalde tijd, startend op **1 september 2022**. De arbeidsvoorwaarden zijn conform de arbeidsvoorwaarden gedefinieerd in PO 01012021.

Ben je geïnteresseerd en zie je uitdaging in deze functie? Dan nodigen we je uit om te solliciteren door je **motivatiebrief en CV** te sturen naar **sportcoordinator@rksbonaire.org**

Voor meer informatie kan je telefonisch contact opnemen met Ivo Tiemessen.
Tel: +599 790 4043 (Whatsapp is mogelijk voor sollicitanten die niet vanuit Bonaire solliciteren).

Coral Casino Bonaire ta buskando DEALERS Edat 21+

- *Coral Casino por duna training tambe pa por siña bira Dealer
- *Aplikante mester ta den posishon di un pasport Hulandes
- *Mester por domina e idiomaan: Papiamentu, Ingles, Hulandes i Spaño
- *Mester por presentá papel di 'Bon Kondukta'.

Pa mas informashon por pasa personalmente na Coral Casino durante orario di ofisina: djaluna pa djabierne 8'or mainta pa 5'or atardi òf por tuma kontakto ku nos via telefòn nr. 717-4215 òf por manda nos un email na info@coralcasinobonaire.com

Estudio piská i koral

KRALENDIJK – E luna aki Callum Roberts i Julie Hawkins, ámbos profesor-nan konosí di University of Exeter tabata un bia mas na Boneiru pa ripití un estudio ku nan a hasi na 1990 riba piská i koral di Boneiru.

Ounke ku ta muchu tempran pa resultadonan ofisial nan a duna un presentashon riba futuro di ref di koral. Ta ansioso pa sa resultado di nan estudio.



**Yuda nos tene
nos Boneiru limpi**



www.extraboneiru.com

UNI-K



2.0T
TURBOCHARGED
ENGINE



390Nm
MAX TORQUE



AUTO
8-SPEED
TRANSMISSION



FOUR
WHEEL- DRIVE



12.3" TOUCHSCREEN
W/ VOICE CONTROL



360-DEGREE
CAMERA



21-INCH
SPORT WHEELS



\$36,995

introductory price



HIDDEN
DOOR HANDLE



CHANGAN AUTO

dabboussi
motors

UP TO **5**
Year Warranty

f /dabboussimotors

8 786.6662

No ta persigui servisio di impuesto relashoná ku 'toeslag affaire'

DEN HAAG/KRALEN-DIJK—Lo no persigui servisio di impuesto pa e manera kon a atendé ku víktimanan den e 'toesla-

genaffaire'. Korte supremo na Den Haag a rechasá e petishon di e víktima nan pa persigui servisio di impuesto. Hof ta rekonsé

ku e 'affaire' a kousa hopi daño tantu serka mayornan i tambe muchanan, pero ta indiká ku e derecho penal no tin e posibilidat pa

persekushon. Víktimanan a entrega aña pasá un petishon pa persigui servisio di impuesto penalmente, despues ku Ministerio Públiko a konstatá ku servisio di impuesto no a kometé niun echo kastigabel. E ofisial ku a atendé e kaso, a konstatá tambe ku servisio di impuesto tin imunidat penal. Esaki ta nifiká ku no por hiba e servisio dilanti.

E denunsiantenan no tabata di akuerdo ku esaki. Sostené pa nan

abogado, nan tabata di opinion ku tabatin sufisiente prueba di entre otro diskriminashon, ekstorshon i mal uzo di poder.

Sin embargo Hof ta mira mayoria di e puntonan otro. Solamente loke ta trata denuncia di diskriminashon Korte Komun ta bisa ku por papia di un posibel sospecho ku esaki a sosodé. E kaso a yega te aki debí ku Korte Komun di Hustisia tambe ta indiká ku servisio di impuesto tin imunidat.



Brandweerkorps Caribisch Nederland

DETEKTOR DI HUMA TA SKAPA BIDA

Mayoria víktima ku kai den kaso di kandela ta dor ku nan ta hala huma aden. Un detektor di huma ta alarmá bo na momentu ku e detektá huma. P'esei un detektor di huma por skapa bo bida.



Bo tabata sa ku

- bo no por hole nada miéntras bo ta na soño, pues huma tampoko?
- un detektor di huma ta alarmá bo i ta sòru pa bo tin tempu pa hui?
- un detektor di huma no ta aktivá sin mas ora bo huma un sigaria?
- por instalá un detektor di huma fásilmente, mayoria biaha esaki ta kosta 1 minüt?
- bo por kumpra un detektor di huma den un pakus di konstrukshon i di elektrónika?
- dor di partisipá na e quiz di BKN bo por gana un di e dies un detektornan di huma?

Pa mas informashon tokante un detektor di huma i e quiz, wak riba www.rijksdienstcn.com



OPENBAAR LICHAAM
BONAIRE

ANUNSIÓ

TÓPIKO

E sitio pa stashoná outo entre kantor di Kolegio Ehekutivo i Plaza Reina Wilhelmina ta será pa tráfiiko djabièrnè 15 di yùli 2022 for di 5'or di atardi i hinter dia djasabra 16 di yùli 2022. Ta sera e kaya na altura di Plaza Machi Mimi tambe ora ta nesario. Esaki pa motibu di un evento ku ta tuma lugá riba Plaza Wilhelmina.

15 di yùli 2022 (for di 5 or di atardi) te ku 16 di yùli 2022.

Ta pidi komunidat di Boneiru y tur automobilista en partikular pa sigui e rutanan alternativo ku ta indiká ku borchinan.

Danki pa bo kompreshon

Tur loke ta payroll i HR den bo plant'i man!

www.payrollprohrm.com









**Flamingo Express Dutch Express
Dutch Caribbean (FXDC Post)**



ku profundo tristesa ta partisipá fayerimentu di

Sr. Ryan Julius Frans

mihó konosí komo Fraps / Fraps Drone Mobill
Tata di nos kolega Raygan Reyes

FXDC Post ta deseá Raygan i famia hopi forsa ku e perdida grandi aki.

Ku Ryan su alma sosegá na pas.

PARTISIPASHON DI MORTO

'Serka Dios mi ta sigur, E ta amor i fieldat!'

Famia ta partisipá ku a bai sosegá den brasa di Señor

Sidney Maximino Vanblarcum

Djasabra 16 yùli ta tuma despedida aki na Boneiru na Consuelo Memorial di 1'or pa 3'or.

Entiero ta tuma lugá na Kòrsou.

Dia i ora di entiero ta wordu anunsia despues.



Subida salario mínimo

Oferta ‘kumpra pushi na saku’

KRALENDIJK – Resientemente Gabinete Hulandes a indiká ku nan intenshon ta pa for di 2023 subi salario mínimo anualmente te ora na 2025 esaki yega

manera indiká den e investigashon di Regioplan. Esaki, segun ta bisa, lo ta un subida 28 porshento. Esaki mas bien, di akuerdo ku e lider polítiko di Partido De-

mokrat, Clark Abraham, un oferta di ‘kumpra pushi na saku’.

Na promé instante esaki a musta positivo, konsiderando ku hopi kas di famia

ta biba den pobresa, pues kualke subida di entrada ta un alivio mas ku bon biní. Solamente ora bai enfoká riba e echonan, ta realisá ku esaki no ta masha di kanta

makamba manera ta insinuá, segun Abraham.

Abraham ta sigui: “A presentá e resultado di Regioplan dia 28 di yùli 2018. For di e fecha aki Boneiru a konosé un inflashon akumulativo di 19% te ku e promé kuartal di e aña aki, esaki asta inkluyendo un deflashon remarkabel di -14,2%, pa motibu di e medidanan di e vírus di Corona.” Sí e tendensia ekonómiko aki sigui, di akuerdo ku Abraham, Boneiru lo bolbe eksperensia un inflashon akumulativo di 19% te na final di 2025. Na total esaki lo enserá 38% di inflashon for di dia ku e montantenan ku Regioplan a stipulá. Di mes, lo indiká ku ta adaptá e salario mínimo tur aña conforme e sifra di inflashon, pero sí kumin-sá ku un montante nominal abou i despues korigí esaki a base di un porsentahe, e korekshon nominal tambe lo keda abou.

Sí korigí e mínimo sosial di \$ 1.349,- pa un persona soltero, manera indiká den Regioplan, a base di 38% di inflashon, ta resultá ku na 2025 un persona soltero lo mester di un montante di kasi \$ 1.862,- pa por mantené su mes na un manera aseptabel. Esaki ta mas bien dòbel di loke a stipulá komo mínimo sosial na lugá di un subida di 28%.

Ke men, segun Abraham, si no korigí e montantenan den Regioplan ku e inflashon akumulativo, esun ku ménos rekursu lo bai aun mas atras na forsa di kompra na 2025, kompará ku loke nan tabata kaba na 2018. Sí esaki no ta e definishon di ‘kumpra pushi na saku’.

Donashon pa renobashon Asilo di Bestia

KRALENDIJK – Dia 11 di yùli embahador di Stichting DierenLot Bonaire, Leo Dijkgraaf, a entregá manager di Asilo di Bestia, Sanne Attevelt, un chèk na balor di 44.400 euro, komo kontribushon pa e proyekto di renobashon di e asilo.

E donashon lo kubri un

parti grandi di e kostonan di renobashon di un kantidat di kas di kachó, espasio di karentena pa pushi i un stashon nobo di limpiesa.

Fundashon Asilo di Bestia Boneiru i Stichting DierenLot, e organisashon di yudansa di bestia hulandes, ta hopi gradesidu pa nan

sosten. Banda di sosten finansiero, Stichting DierenLot ta manda regularmente kuminda di bestia pa e or-

ganisashon di bienestar di bestia na Boneiru, nesesidatnan pa bestia i medio di transporte.



Pa info i komunikado den

Extra/BONERIANO,

USA MAIL: extrabon@gmail.com

Pa aviso

USA MAIL: avisobon@gmail.com

Programa di edukashon pa studiantenan di FORSA

KRALENDIJK – E departamentu di edukashon di STINAPA a inisiá un programa nobo pa eduká un grupo di estudiante di FORSA.

FORSA ta un instituto ku ta atendé ku mucha i tiner ku problema di kondukta òf sosial.

E instituto ta ofresé guia di grupo, fasilidat pa biba i

mediadó kultural. STINAPA a uni forza ku FORSA pa ofresé un programa edukativo kaminda nan ta haña lès tantu paden komo pafó tokante naturalesa di Bo-

neiru.

Algun di e aktividatnan ta inkluí snòrkel, eksplorá kueba, bishita Parke Nashonal Washington-Slagbaai i muchu mas.



Yuda nos tene nos playanan limpi



www.extraboneiru.com

MI REKUERDONAN

PA: BÒI ANTOIN

MI PROMÉ BUKI

Na 1987 m'a saka mi promé buki titulá 'SALU DI BIDA'. Komo ku a bini despues mas buki ku e título aki, mi ta referí na esaki komo 'SALU DI BIDA I'. Mi a saka na tur 4 buki ku e título aki. E título ta bini di Henk Klomp, polis, ku a skirbi den Ñapa (Amigoe) un seri titulá 'Strange People in a Crazy Harbour'. T'e a inspirá mi pa skirbi e estilo aki. Mi a skirbi den e introdukshon: "Nos tur, sin eksepsion, den nos bida, ta haña nos mes konfrontá ku situashonnan chistoso i interesante, situashonnan ku ta sòru pa e loke falta den nos bida. Konkretamente e situashonnan

aki ta pèrkurá pa e salu den un i tur su bida."

"Meimei di 1983 m'a kumin-sá ku publikashon di un seri di storia kòrtiku bou dje kabes TÓPIKO. Bon mirá mi tabatin diferente di e artíkulonnan aki skirbí fo'i basta tempu kaba, pero debí na un sierto miedu, òf bèrgwensa, mi no a publiká nan anteriormente."

"Pero finalrnente m'a pone tur miedu un banda i a disidí di publiká e storianan aki den EXTRA. E reakshon ku mi a risibí tabata formidabel i hendenan ku mi topa riba kaya, tabata duna mi apoyo pa sigui skirbi. Na dado momentu rn'a pensa

ku lo ta bon pa publiká e storianan aki den un buki. Pero promé ku esei m'a disidi di kambia e título. Enbes di sigui usa e título TÓPIKO m'a disidi di skohe



e tirulo "SALU DI BIDA". Mi ta dediká e buki aki na tur esunnan, ku den un forma of otro, a duna mi apoyo i inspirashon pa publiká e buki aki."



MONCHI & TONCHI

Tonchi, Hendenan ta reklamá ku tin pa basta dia kaba skarsedat di webu na Boneiru. Fastioso sua!

Awèl sí. Pero pakiko reklamá? Ta bon pa nos salú. Ta bisá tòg ku webu ta kousa kolestoròl?!



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Armand 'Papi' Antoin
Davienuska Janga
Velli Gijsbertha
Nathaly Evertsz
Edson Pietersz

Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Gairo Frans

Aviso
avisobon@gmail.com

Programanan interesante na Bonaire.tv


KRALENDIJK – Pa Frans i Diana Lebacks. Bonaire.tv ta rekordá nan dos ku material oudiovisual di nan. E blòk kompletu di 12'or di mèrdia pa 4'or di awe tardi ta dediká na Di-

ana Lebacks. Lo pasa un entrevista ku Bòi Antoin a tene ku Diana Lebacks añan pasá tokante su bida i karetera. Tambe ta pasa e pelíkula 'Boka Sarantonio'

den kua el a aktua. I tambe un presentashon di buki na Boneiru, ademas algun otro produkshon kòrtiku.

Mañan djasabra ta turno di Ryan Frans. Luna pasá

Bòi Antoin di FuHiKuBo a papia durante un ora i mei ku Ryan tokante su bida, karera i enfermedat. E programa aki ta kuminsá pa 1'or di mèrdia.



Direktiva i miembronan di Sociedad Deportiva Policial

ku hopi tristesa a tuma nota di fayerimentu di su miembro

Sr. Ryan Frans

Nos mas sinsero i profundo kondolensia na su esposa Edilse Frans-Goeloe, yunan, demas famia- i konosinan.

Ryan te despues.....

CONTOURGLOBAL



Bonaire B.V.

ta partisipá fayerimentu di su kerido empleado
Sidney Maximino van Blarcum
mihó konosi komo Payuko

Nos ta deseá su famia hopi forsa ku e pérdida grandi aki i ku Sidney su alma sosegá na pas.

Djasabra 16 yùli por tuma despedida di Sidney na Consuelo Memorial di 1'or pa 3'or atardi.

Entiero ta tuma lugá na Kòrsou.

Diseño mural Sentro Aksesos

KRALENDIJK -- Sentro Aksesos Boneiru ta invitá komunidad di Boneiru pa diseñá e pintura di muraya di e edifisio prinsipal. Sentro Aksesos Boneiru ta e organisashon nobo pa ayudo sosial na Boneiru.

Na Sentro Aksesos e serbisionan di un kantidat di organisashon eksistente manera Sentro Hubentut i Famia, IWO, HGKM/Guiámi, departamento di MOA i salú hubenil, a bini huntu bou di un solo dak. Sentro Aksesos ta pará kla

pa e siudadano. Aksesos ta ofresé yudansa i guia manera por ehèmpel guia den edukashon, guia di traha presupuesto, guia den relashon òf na momentu di un pérdida i yudansa den problemanan siko-sosial. E profeshonalnan di Sentro Aksesos ta pará kla pa buska solushon pa e situashonnan aki huntu ku e siudadano. Sentro Aksesos ta en búskeda di un diseño ku ta reflehá e kuater departamentonan di e organisashon. E diseño ku skohe, lo bira e pintura

di muraya di e edifisio prinsipal situá na Kaya Prensès Marie 7.

Esnan ku ta deseá di mira nan diseño riba e edifisio, entregá e diseño promé ku dia 15 di ougustùs i gana un estadia durante wikènt ku tur kos inklui na Plaza Resort Bonaire. Pa partisipá na e kompetensia e artista, habitante di Boneiru, mester entregá su diseño promé ku 15 di ougustùs via: info@aksesobon.com òf na e ofisina prinsipal na Kaya Prensès Marie 7.

INVITASHON

Esposa, yunan i nietunan ta invitá na un santu sakrifisio di misa pa deskanso di alma di nan kerido defuntu

Isaac Benjamin Coffie

mihó konosi komo Papi enkonexshon ku **su promé aña di fayerimentu ku ta tuma lugá djaluna 18 yùli pa 7'or anochi na misa San Berrnardo na Playa.**

Aseptá esaki komo un invitashon personal.



ARUBA

Despues di problema cu su pareha

Homber mester a bandona apartamento

ORANJESTAD -- Diaranson mainta algo prome cu 8:30 varios patruya tanto di Noord, Playa y Santa Cruz a yega Papaya.

E adres aki ta e mesun adres di diamars ultimo,

unda cu un homber a wordo deteni.

Diaranson mainta tawata trata di un otro caso, unda un pareha jong tawata tin problema.

E motibo cu varios pa-

truya a acudi na e sitio tawata debi cu e homber lo tawata agresivo y aparentemente lo a agredi e dama cu tawata cu un baby den brasa.

Momento cu polisnan a yega por a mira cu den e patio di e apartamento ya e homber a saca mayoria di su pertenencianan y nos no por a tuma cu e homber tawata musta agresivo.

Polis a intermedia y a yega cu e transportwagen si mester bay over na detencion.

Pero, despues di basta papiamento e dama no lo



tawata kier a entrega keho y mas tanto lo tawata desea pa polis supervisa e salida di e homber for di e luga.

Bou supervision di polis e homber a piki basta cos y pone den auto pa e bay di e sitio.



ARUBA

Fundacion Stimami Sterilisami ta hopi importante pa e imagen di producto Aruba

ORANJESTAD (AAN) — Dialuna Minister di Turismo y Salud Publico sr. Dangui Oduber a reuni cu entre otro sra. Ronella Croes di ATA, Jisenia Arends di Direktie Milieu & Natuur y sr. Ewald Biemans di Bucuti & Tara Beach Resort. Den e encuentro aki e mandatario a haya tur informacion necesario pa ta altanto locual Fundacion Stimami Sterilisami ta bin ta haciendo pa remedia e situacion di cacho y pushi nan riba caya.

Tabata na januari di e aña

aki cu a reanuda e subsidio bek pa Fundacion Stimami Sterilisami. Ya pa varios aña caba “Tourism Product Enhancement Fund” TPEF ta e main sponsor di e programa di sterilisacion di e fundacion.

E programa di sterilisacion aki ta un colaboracion di sector publico conhuntito cu sector priva. E fundacion aki ta pa yuda cu sterilisacion di cacho y pushi nan di caya y tambe pa yuda doñonan sterilisanan mascota. E aña aki Aruba Tourism Authority

(ATA) tambe ta join pa asina por a restart e programa, esaki ta pa motibo cu door di Covid-19 TPEF mester a stop subsidio temporario. Den aña 2022 TPEF lo sigui sibsidia e fundacion aki una bes mas. E Fundacion di Stimami Sterilisami ta ricibi subsidio for di TPEF y awor ATA anualmente. Nan ta haci hopi bon uzo di esaki y ta traha na un manera eficiente. Den pasado a traha cu veterinari onan di Aruba, actualmente tin un veterinario for di Merca tambe pa asisti cu e

operacionnan. Ta purba pa yega na tarifanan, unda por haci mas hopi operacion cu e mesun cantidad di fondo disponibel.

Minister Dangui Oduber su maneho di turismo no solamente ta dirigi riba target turista di calidad, mehoracion di servicio y upgrading di area turistico pero tambe e ta basa pa crea un balans positivo pa e comunidad di Aruba incluyendo nos amigonan di cuater pia cu no tin un dak riba nan cabes.

Stimami Sterilisami

como fundacion tin como obhetivo pa yuda e comunidad di Aruba bira mas consciente riba e problematica cu tin di cacho y pushi nan riba caya. Pa añas e fundacion aki ta subsidiando miles di operacionnan di cacho y pushi rond nos isla.

E mandatario ta gradici sr. Biemans di Bucuti & Tara Beach Resort cu ta un patronisador di e programa di sterilisacion mesun importante cu TPEF y awor ATA. Esaki ta debi cu nan ta iguala cualkier suma cu e fundacion ricibi, esaki ta algo cu Gobierno di Aruba ta hopi agradecido pe e mandatario ta expresa.

Minister Oduber ta kere firmemente cu e manera con nos ta trata nos animalnan ta bisa hopi di nos como pais. Abase di programanan asina, den wowo di nos bishitantenan ta eleva e imagen di e producto Aruba y ta cumpli cu e vision di Ministerio di Turismo.

Finalmente Minister Oduber kier gradici ATA, Bucuti & Tara Beach Resort y Fundashon Stimami Sterilisami pa e bon trabou haci durante ultimo añanan.



Gobierno di Aruba ta lamenta posicion di CAFT

Gobierno ta reconoce e seriedad di situacion financiero di pais Aruba

ORANJESTAD - Gobierno di Aruba a yama un Conferencia di Prensa pa duna informacion di un carta cu a ricibi tocante e topico: ‘aanwijzing’. Prome Minister Evelyn Wever-Croes a yama e conferencia aki pa splica comunidad kico ta e situacion y pa no tin motibo di speculacion of motibo di bay den panico.

Diaranson Gobierno di Aruba a ricibi copia di un carta di CAFT cu nan a manda pa Consejo di Minister di Reino den cual

nan ta duna conseho pa Aruba haya un ‘aanwijzing’. Segun CAFT, Aruba no a muestra suficiente disponibilidad pa hisa entrada y baha gasto.

Prome Minister Wever-Croes a expresa cu esaki ta algo cu a purba di evita pues ta lamenta esaki y no ta di acuerdo cu e ponencianan aki. “No ta prome biaha cu nos ta haya un conseho asina, e ta un procedura normal den e cuadro di supervision. Pero cada biaha cu bo haye e ta bira

un momento pa para keto y pone atencion na dje,” Prome Minister Wever-Croes a expresa.

Premier Wever-Croes a reuni inmediatamente cu Secretario di Estado sra. Alexandra van Huffelen y a trata e tema aki. Sra. van Huffelen a indica cu e carta no ta significa cu mesora tin un aanwijzing ta bin. Aruba lo sigui na mesa cu Hulanda (cu CAFT y BZK), y lo sigui cu esfuerso pa evita cu ta bin un aanwijzing.

“E situacion cu ta aden

actualmente no ta uno cu mester tin miedo di dje, pues no kier pa ningun ciudadano bay preocupa. Aruba a pasa den cosnan hopi

mas pio cu esaki y esaki ta un reto mas cu e Gobierno aki lo atende cu ne cu determinacion”, Prome Minister a enfatisa.



Riba implementacion di e metanan di desaroyo sostenibel

Aruba ta duna relato na Nacionnan Uni

ORANJESTAD -- Diahuebs 14 di juli, Prome Minister Evelyn Wever-Croes lo ta na Nacionnan Uni den Headquarters pa e High Level Political Forum on Sustainable Development Goals. Esaki lo tuma luga na New York.

Den e reunionnan aki lo presenta e relato di SDGs di Reino Hulandes hunto cu Minister Schreinemacher di

Hulanda y e Prome Minister di Sint Maarten Silveria Jacobs.

E presencia di Premier Wever-Croes na e High Level Political Forum ta un oportunidad pa asina por enfoca riba e trabou cu Aruba ta haciendo y etala esaki riba Plataforma global. Tambe, e meta di e reunionnan na New York ta pa dialoga cu otro paisnan

cu ta presentando nan relato di SDGs y pa intercambia di conocimiento y experiencia pa logra e metanan di desaroyo sostenibel pa 2030. E relato di SDGs ta un relato cu, como paisnan den Reino ta wordo haci na forma boluntario.

Durante e dia aki, lo bay tin varios reunion importante, encuntrenan bilateral cu varios pais y e

participacion di Aruba den e evento aki ta un oportunidad pa posiciona nos isla como un partner global den desaroyo sostenibel y pa crea mas oportunidad pa Aruba sigui implementa esakinan.

Pa e ocasion aki, Aruba a prepara un relato di con e SDGs ta wordo implementa y e relato aki lo wordo presenta na Nacionnan Uni

como parti di e relato di Reino.

E comision di SDG Aruba a organisa diferente session pa involvi comunidad henter pa asina conoce con ciudadanonan of organisacionnan local ta implementando e SGD's. A base di esaki a prepara e relato cu Prome Minister lo presenta diahuebs 14 di juli na Nacionnan Uni.

Elevando aun mas e siguridad di agentenan policial

Proyecto di camara di siguridad na warda di polis kedando cla

ORANJESTAD - Minister di Husticia y Asuntonan Social Rocco Tjon a bishita e warda di polis na St. Cruz, caminda hunto cu e Agentenan Policial a haya un splicacion amplio di Bossi, kende ta e compania cu a instala e camaranan na tur warda di polis. Un sistema cu tin inteligencia artificial pa ambos detecta y analisa, facilitando e trabou pa e Agentenan y alabes eleva nan siguridad.

Den cuadro di e proyecto aki, a incorpora e vigilancia di camara pa e cel complexnan, pa asina eleva e siguridad di e personal como tambe e siguridad di tur persona cu ta yega na warda di polis.

Di otro banda, e camaranan ta minimalisa infraccion cu lo por tuma luga na e wardanan aki pa loke ta

trata e autonan y pertenencianan entre otro.

Segun e mandatario, ya caba a haci palabracionnan cu e waarnemend Korp-schef esta; Sr. Croes, pa traha un manual, pa asina splica e personal, kico e maneho ta pa loke ta e diferente camaranan aki y e uzo di nan pa loke ta e imaginan aki.

Ademas di esaki, a incorpora tambe e parti di mantencion y asistencia tecnico na e proyecto, pa si algo mester sosode, e asistencia tecnico por yega pa asisti e personal de inmediatamente. Un otro aspecto hopi importante ta cu si algo mester dañ, esaki lo wordo reemplasa mesora, di e forma aki ta garantiza cu e proyecto por ta uno duradero. E instalacionnan a keda cla na tur warda di po-



lis, sinembargo a finalisa e funcionalidad por completo di warda di St. Cruz, dentro di poco lo finalisa warda di San Nicolas, sigui pa Playa, Shaba, Strandpolitie, Noord como tambe Balashi.

E camaranan cu a scoge pa e proyecto aki, ta camaranan cu ta contene e aspecto di inteligencia artificial cual ta facilita e trabou pa e Agentenan Policial. Banda di esaki por menciona tambe cu ya caba a cuminsa combersacionnan cu Alto Mando conhuntamente cu Sindicato di Polis pa asina dentro di poco cuminsa cu

e proyecto piloto di Bodycams. Segun estudionan haci ambos na Merca y Europa, por conclui cu bodycams ta di balor agrega pa ambos e siguridad y e integridad di e Agentenan. Di parti di Ministerio di Husticia y Asuntonan Social a investiga e parti legislativo caba, pues lo tin un base legal pa por inicia cu e proyecto aki.



KÒRSOU

Medida mas drástiko kontra esnan ku no ta kumpli ku deber fiskal

WILLEMSTAD.- Ministerio di finansa den e reportahe di luna di mei ta mensioná medidanan mas drástiko ku lo tuma kontra esnan ku no ta kumpli ku deber fiskal. E reportahe di gerensia di servisio di impuesto ta ilustrá progreso pa loko ta trata e ophe-tivonan ku a keda stipulá huntu ku minister di Finansa, pero tambe a bini dilanti ku apesar di e subida di e entradanan di impuesto, ainda tin hopi kos ku mester drecha. Den e reportahe pa promé biaha a hasi análisis

di e kantidat di kontribuy-entenan pa loko ta trata im-puesto riba benta (OB) i im-puesto riba suèldu (LB) ku ta entregá nan deklarashon-nan na tempu i ta paga esaki tambe na tempu. Ta bini di-lanti ku 70% di e +/-9.000 kontribuyentenan di LB ta entregá nan deklarashon-nan na tempu tur luna. Di e grupo aki, 45% ta en-tregá un deklarashon ku ta 0 (0-aangifte). Di e +/-3550 kontribuyentenan di LB ku ta indiká ku nan tin ku paga impuesto, alrededor di 80% (+/-2850) ta paga e belas-

ting promé ku e di 15 dia di e siguiente luna. Pa loko ta trata OB, por bisa ku 55% di e +/-17000 kontribu-yentenan di OB ta entregá nan deklarashonnan men-sual na tempu. Di e +/-9700 deklarashonnan tin 37% (+/-3500) ku ta deklará sero (0). Di e +/-6200 kontribuy-entenan di OB ku ta indiká ku nan mester paga, 80% (+/-4800) ta paga na tempu. E sifranan aki ta fluktua tur luna, p'esei no ta duna kan-tidatnan eksakto pero por hasi komparashon tur luna pa loko ta trata e kumpli-mentu (compliance) i esaki ta mustra ku e ta subiendotiki tiki. Por mira ku e pag-onan ku a drenta na tempu, for di luna di yùli na aña 2021, pa LB a subi di +/-2.600 te 2.850 (+ 9,6%) i pa OB di +/- 4.100 te 4.800 (+ 17,1%).

Kumplimentu

Tambe e sifranan ta mustra ku ainda mester tra-

ha i aktua pa loko ta traha kumplimentu (compliance) pa subi e entradanan i pri-manan di belasting. Esaki ta nifiká ku e mester sigui ku e trayekto pa limpia e “CRIB bestand” kaminda ainda tin kontribuyente registrá ku nò ta aktivo mas, SBAB mester keda kontrolá pa pèrkurá ku empresarionan ta deklará nan impuesto i tambe bini ku akshonnan efektivu ku ta pone ku ber-daderamente por kolektá e debenan di impuesto. E análisis ta limitá su mes den promé instante na LB i OB pasó e medionan di impuesto aki ta kubri 80% di e entradanan di impuesto na Kòrsou. Den e reportahe tin atenshon partikular pa e “top 200” di kontribuyentenan pa LB i OB. Esaki ta konsistí di e 200 dunadónan di trabou i kontribuyentenan mas grandi di Kòrsou ku huntuta kubri 50% di e totalidat di e entradanan di impues-

to. P'esei ta esensial ku e grupo aki ta kumpli ku su debenan fiskal di tur luna. Pa loko ta trata e LB, for di yanüari e kumpli-mentu a kuminsá drecha. E OB ta mustra stabil.

Medidanan di kobransas

Kontribuyentenan di e “top 200” ku no ta kumpli ku nan debenan mensual, ta bai keda konfrontá ku medidanan di kobransas drástiko den e lunanan benidero. Mester mensioná ku e meta no ta pa sera un empresa, pero si sali na kla ku e empresa strukturalmente no por kumpli ku su debenan fis-kal, esaki por ta motibu pa pone beslag riba e propie-datnan di e empresa. Esaki ta pa preveni ku e entradan-an di impuesto (manera tabata pasa hopi den pa-sado) ta bai pèrdi i ta sòru pa konkurensia sano riba merkado (“level playing field”). Un empresario ku tur luna ta kumpli ku su de-bernan fiskal no por kom-petí ku un empresario ku den su preis di benta no ta tene kuenta ku e primanan i belasting ku e mester paga.

Servisio di impuesto tei pa e empresario ku ta kumpli ku su debenan fis-kal i tambe pa e empresario ku temporalmente ta den problema finansiero. Lo bai tuma medidanan mas drás-tiko kontra e kontribuyen-tenan ku strukturalmente no ta tene nan mes na nan debenan fiskal. Si ta trata di un kontribuyente ku tin un entidat mará na gobièrnu òf un instansia supsidia, den kolaborashon ku e mi-nisterio enkargá lo buska un solushon struktural. Pa yega na e resultado deseá mester sòru pa tur parti di Servisio di impuesto por kolaborá i funshoná di un manera efektivu. Den kuadro di esaki, entrante luna di yüni lo integrá e reportahe di ge-rensia di SBAB ku esnan di Inspekshon i Ontvanger pa asina reportá komo 1 Servi-sio di impuesto.



Selikor den kombersashon pa rekohé shushi kas a yega na solushon

WILLEMSTAD.- Tra-hadónan di Selikor ku ta rekohé shushi a pone trabou abou. Gerensia di e kompa-nia ta splika ku djaluna 11 di yùli último, durante henter dia Selikor a hiba komber-sashonnan ku sindikatonan ABVO i BTG pa atendé diferente punto di preoku-pashon di trahadónan. Riba djamars a sigui pa trata di haña otro mas pronto posi-bel di forma ku e servisio di rekohé shushi di kas por

start bèk. Manera ya a bini dilanti djaluna mainta e ge-rensia interino di Selikor a wòrdu konfrontá sorpresi-vamente ku e echo ku un grupo grandi di trahadó di ku ta rekohé shushi no a sali bai laborá. Manera ta e práktika usual den Selikor e gerensia interino (ku a sinta riba 1e di yùli 2022) a tuma kontakto mesora ku e sindikatonan pa tende di nan kiko ta pasando. Du-rante e kombersashon ku

sindikatonan nan a indiká ku e malkontentu ta trata diferente punto di preoku-pashon ku ya nan tin tempu kaba ta trese dilanti. E ge-rensia interino a splika sin-dikatonan ku nan tin apénas 6 dia di trabou sintá pero ku ya nan a kuminsá atendé e problemátikanan agudo di kompania. Aki a mensioná ku ya den e dianan anterior a reuní na vários okashon den seno di tim di maneho pa atendé dos prioridat.

Ta trata akí di e pro-blemátika di disponibilitat di e trùk i e aspekto di ko-munikashon na komunidat. Den fin di siman ya komu-nidat por a nota un kambio pa loko ta trata e último akí.

Tambe e gerensia in-terino a pensa diferente se-nario i strategia pa atendé ku e reto di piesanan ku ya a manda buska for di eks-terior i ku, debí na tardan-

san mundial den e sek-tor di transporte, ainda no a yega. Mas aleu a splika e sindikatonan ku e vishon ta pa durante e próksimo 3 pa 4 añanan ku ta bini pasa na remplasá tur aña 3 trùk di shushi i agregá 3 na e flota. Di e forma akí por yega na un flota optimal di míni-malmente 20 trùk i asina por redusí i te hasta eliminá e trahamentu di warda ano-chi ku tambe ta un punto di doló pa e trahadónan. Tur esaki naturalmente salien-do for di e punto di bista ku gobièrnu lo bai kumpli, manera primintí, ku pago-nan na Selikor. Meta final ta pa huntuta sali for di tur eventual impase na bie-nestar di tantu komunidat ku ta meresé un mihó ser-visio komo trahadónan ku aktualmente ta dunando lo máksimo bou di sirkunstan-sianan desfavorabel.



DEPORTE

Nazario i Roy bon prepará pa “4daagse” di Nijmegen

KRALENDIJK--Den entrevista ku nos tabatin ku e dos kanadónan di nos isla ku lo biaha djabièrnè awó pa Hulanda pa un bia mas partisipá den e “4daagse” di Nijmegen aya na pais madre Hulanda, nan a bisa ku nan ta sigur bon prepará pa esaki. Nazario Alberto a duna di konosé ku djaweps pa mitar di ocho anochi tin un Santu Sakrifisio di Misa pa pidi Bedishon di Bon Dios pa nan den “4daagse”.

Esaki pa nan haña un tiki mas forsa. E tempunan aki ta un tiki fèrfelu i t’abo mes tin ku kuida bo kurpa i nan mester di Kreador pa duna nan mas protekshon.

Nan ta biaha awe djabièrnè anochi ku KLM i ta yega Hulanda djasabra den oranan di mèrdia. Nan lo sosegá un dia dos dia pa djaluna sali pa Nijmegen.

E “4daagse” ta kuminsá

dia 19 di yùli i finalisá 22 di yùli 2022.

Ke men ku nan ta kuminsá djamars te ku djabièrnè.

Riba nos pregunta, sr. Nazario Alberto a bisa ku asina kaba ku e último “4daagse” e ta kuminsá prepará pa e siguiente.

E ta kuminsá prepará i no ta para ketu niun momentu. E ta den preparashon konstantemente.

Pa su persona segun Nazario a bisa, no ta problema, ta Dios tin ku duné forsa i salú pa e dal bai ku esaki.

Mas aleu riba nos pregunta sr. Nazario Alberto a bisa ku su persona foi momentu ku e “4daagse” finalisá tur aña, e ta kuminsá ku su preparashonnan pa e siguiente aña.

E no ta para ketu sino sigui kana prepará no solamente pa e “4daagse” a-

nual, sino tambe pa kualke otro kaminata ku presentá. Nos a papia tambe ku Ròy Martines ku tambe tur aña ta kana den e “4daagse” di Nijmegen huntu ku Nazario, pa kua riba nos pregunta e la bisa ku e si tin un tiki problema ku su rudia pero esei no ta strobé di bai e “4daagse”.

Esaki a bini dor di hunga bala. E la stòp ku wega di bala pero e rudia no a reku-perá bon kompletamente pero e ta trein si. E la bai un spesialisista tambe hasi ècho pa kua e resultadonan ta mostra ku e ta hopi bon, e kondishon tei, e ta dal bai.

E ta hopi konfiá si ku si e wer koperá ku nan, lo no tin problema. Pero tin un par di pronóstiko di wer ku no ta mashá bunita aworaki kuminsando otro siman.

Asta nan a pronostiká ku e kalor lo subi yega na 40

grado ku lo hasi e situashon hopi difisil.

Nan a pasa den esaki tambe kaba na 2006 ku mester a para e kaminata despues di un dia di e kaminata. Hopi hende a muri, hopi hende a bira malu ku no tabata por otro ku para e kaminata. E pronóstiko ta ku e kalor ta bula 30 si i tin di tene kuenta ku esaki.

Ròi a bisa ku e ta kana si, e la sigui kana trein dos bia pa dia, mainta i atardi, pero no konsistente manera e tabata hasi esaki tempu ku e rudia tabata bon.

E ta trein, e ta kana, ta di spera ora ku e yega Hulanda, momentu ku e kaminata kuminsá otro siman djamars, lo wak kon e rudia ta bai pa sigui riba dje.

E promé dia e ta kana esaki normal, e di dos dia e ta parti e oranan mas largu, ku si e ta kana esaki den

6 ora e ta hasi esaki den 8 ora, pa e por tin kontròl riba e pia pa e por bai ku mas forsa den e pia. Riba nos pregunta kuantu aña kaba ku nan ta partisipá den e “4daagse”, pa kua Nazario ta bai pa di 17 bia. E mester ta di 18 pero dor ku nan a para esaki un aña nan no a konta esaki. Ròi ta bai su di 16 bia loke mester ta 17 pa e aña ku a para e kaminata.

Nazario a bai tambe e kaminata di Bèlgika pa kua e la bisa ku esaki si ta hopi duru.

Si bo no ta prepará bon mentalmente pa esaki, e ta hopi difisil. Si bo topa ku yobida tambe e ta bira aun mas duru i mas difisil.

E 75KM no ta problema, sino e 25KM. Esaki ta hopi difisil pero si bo ta prepará bo ta yega si, segun sr. Nazario Alberto a bisa, meskos tambe Roy Martines.

Real Rincon na kabes di kampionato

KRALENDIJK--E kampionnan di S.V. Real Rincon despues di vikto-ria di 3-1 riba SV Uruguay djárasen último, ta na kabes di kampionato 2022 di fut-bòl di nos isla. Un total di 2 ekipo ya a finalisá e kampionato regular, 8 ekipo falta ainda 1 partido pa hunga pa kompletá e kampionato regular, esaki di akuerdo ku e tabla di posishon.

Èksito na e ekiponan.

Posishon ekiponan

1. SV Real Rincon	9 partido hungá, 7 ganá 2 pèrdí, 24 gol a favor 8 kontra (+16), 21 punto.
2. SV Vitesse	9 partido hungá, 6 ganá 1 empatá 2 pèrdí, 26 gol na favor 19 kontra (+7), 19 punto.
3. Atl. Flamingo	8 partido hungá, 6 ganá 2 pèrdí, 19 gol na favor 7 kontra (+12), 18 punto.
4. SV Uruguay	9 partido hungá, 4 ganá 2 empatá 3 pèrdí, 13 gol na favor 13 kontra (0), 14 punto.
5. SV Estrellas	8 partido hungá, 4 ganá 1 empatá 3 pèrdí, 16 gol na favor 12 kontra (+4), 13 punto.
6. Vespo	8 partido hungá, 3 ganá 2 empatá 3 pèrdí, 32 gol na favor 13 kontra (+19), 11 punto.
7. Young Boys	8 partido hunga, 3 ganá 2 empatá 3 pèrdí, 12 gol na favor 16 kontra (-4), 11 punto.
8. SV ATC	8 hungá, 3 ganá 2 empatá 3 pèrdí, 11 gol na favor 16 kontra (-5), 11 punto.
9. SV Juventus	8 hungá, 1 ganá 7 pèrdí, 7 gol na favor 34 kontra (-27), 3 punto.
10. Arriba Perú	9 hungá, 0 ganá 9 pèrdí, 9 gol na favor 31 kontra (-22), 0 punto.

DEPORTE

Awe nochi SV ATC vs SV Vespo

KRALENDIJK--Awe djabièrnè 15 di yùli 2022, kampionato 2022 di futbòl di nos isla ta sigui 8'or anochi den Stadion Antonio Trenidad na Rincon,

ora ku e ekiponan SV ATC di Tera Kòrà i SV Vespo di Rincon, enfrentá otro den e kampionato. E partido aki tambe ta primintí di bira otro tremendo partido di e

kampionato den su fase final ku dos ekipo buskando e viktoria i e tres puntonan foi dje partido.

Tur dos e ekiponan mes- ter di e viktoria i tres pun-

tonan di e partido.

Esaki ta hasi e partido aki sigur un tremendo partido pa e fanatikada di e deporte rei futbòl ku paga pa mira e partido awe nochi.

Éksito na e ekiponan, esun ku hunga mihó i hinka gol lo sali di porta grandi ku e tres puntonan foi dje partido. Éksito na e ekiponan den e partido.

Djadumingu awó SV Estrellas vs SV Juventus

KRALENDIJK--Djadumingu awó 17 di yùli 2022, kampionato 2022 di futbòl di FFB/FWNB ta sigui 8or anochi na Sta-

dion Antonio Trenidad na Rincon, ora ku e ekiponan SV Estrellas di Nort Saliña i SV Juventus di Antriòl/ Playa Pabou, hunga e últi-

mo partido di e kampionato regular 2022 di nos isla, esaki promé ku Buèlta Seis.

E partido aki tambe ta primintí di bira otro tre-

mendo partido di e kampionato, por sièrto pa sera i finalisá e kampionato regular 2022.

SV Estrellas ku mester di

e tres puntonan di e partido, ta bini bon prepará pa bai ku e viktoria. Di otro banda un ekipo di SV Juventus ku solamente un viktoria den e kampionato, ta bini prepará pa logra un viktoria mas di e kampionato foi dje partido aki.

Nos ta deseá e ekiponan aki tur pero tur klase di éksito ku e partido aki. Esun ku hunga mihó i hinka gol lo bai ku e viktoria i tres puntonan foi dje partido.

Éksito na e ekiponan.

Invitashon reunion FeBiBo 2 ougùstùs 2022

KRALENDIJK--Fe-BiBo ta invitá su ekiponan miembro di e federashon di biliart di nos isla, na reunion relashoná ku kampionato 2022; Di akuerdo ku e invitashon, risibí kòrdial saludo di parti direk-

tiva di FeBiBo. Bo ta keda kòrdialmente invitá na nos reunion relashoná ku kampionato biliart 2022/2023.

Esaki ta tuma lugá djamárs 2 ougùstùs 2022 na Kompleho Deportivo Jorge Nicolaas na Kaya Amster-

dam pa mitar di ocho anochi (19:30). Agènda. Partisipashon di parti direktiva. Kampionato 2022-2023. Turno liber. Klousura.

Direktiva ta konta ku presensia di tur ekipo. Laga nos yega na tempu pa tur

hende por haña tur informashon i duna nan “feedback”. E konvokashon pa reunion aki ta firmá pa visepresidente di FeBiBo, sr. Janiro Chatlein.

Tel: +599-7871782. Email: janiro1996@hotmail.com.

SV Real Rincon a pasa 3-1 riba SV Uruguay

KRALENDIJK--E kampionnan di SV Real Rincon di Rincon, djárasen último den kontinuashon di kampionato 2022 di futbòl di nos isla, den presensia di un bon públiko, a gana di

SV Uruguay di Antriòl Pariba ku skor di 3-1, esaki den nan último partido di e kampionato regular.

Real Rincon ku e viktoria aki ta finalisá e kampionato regular ku 21 punto i

ta okupando e promé lugá di e kampionato den su fase final. SV Uruguay ku e derota ta finalisá e kampionato regular ku 14 punto pendiente su klasifikashon o nò pa buèlta di seis.

Pa loke ta e partido djárasen último, den e promé mitar di e partido, SV Real Rincon na di 11 minüt di e partdo ta bai dilanti 1-0 ku gol di Andre Piar, skor tambe ku e partido a parti na dos kuné pa sosiegu.

E di dos mitar di e partido tabata Jairo Clarendo na di 64 minüt di e partido, ta amplia bentaha na 2-0 pa e kampionnan di SV Real

Rincon. Na di 64 minüt SV Uruguay ta haña pinalti i Pedro Rodriquez ta kòrta bentaha na 1-2. Na di 90+ Andre “Decho” Piar ta hinka su di dos gol di e partido seya e viktoria di e kampionnan di SV Real Rincon 3-1, skor tambe ku e partido a finalisá kuné. Skor final di e partido pues ta 3-1 pa SV Real Rincon. Rèfri ku a dirigí e partido

aki ta Geoffrey Angela. Un total 309 fanátiko a paga pa mira e partido, loke ta bon pa 200 adulto, 59 mucha i 50 fanátiko riba 60 aña.

Un danki di parti FFB na e fanátikonan ku a paga pa mira e partido.

Despues di e partido aki e kampionato a sigui ayera nochi ku e partido entre e ekiponan Young Boys i Atl. Flamingo.



DESDE 1 DI OUGÙSTÙS 2022, BAKI DI KUMINDA DI FOAM TA PRØHIBÍ NA BONEIRU

E PROHIBISHON TA KONTA
PA TUR HENDE NA
BØNEIRU KU TA BENDE
ØF REGALÁ BAKI DI
KUMINDA DI FOAM.


E prohibishon di bakinan di kuminda di
foam ta enserá solamente bakinan di
styrofoam. E prohibishon ta trata sola-
mente e empakenan pa kuminda ku bo
por kome mesora. I pa kuminda ku bo ta
kome for di e empake aki.

PØR EHÈMPEL:

- Bakinan di foam
(ku òf sin tapadera)
- Beker di foam usa pa por
ehèmpel bebementu di sòpi



BISA NÒ NA FØAM I HUNTU
NØS TA SØRU PA UN
BØNEIRU LÌBER DI PLÈSTIK!



E MENSAHE AKI TA DI ENTIDAT PÚBLIKO BONEIRU